

訪

算

詩

存

序

予文當代詩人多矣或風調合而
意趣則歧或形模近而指歸反遠惟
初菴先生技契者二十餘年至
今計全麻潤而云白頭如新者非
而初菴遇全固而汲古尤力僉深

境愈窮而著述之志愈銳此雖非後
烟凋雪晦名滿江湖向其所至必成
一集景慕已甚其水素加蘭谿諸游
稿而心賞至今歲偶至邦上歸倒
篋又復裹紬成帙何其富且工於大
紩助力在皮陸蘇黃之間而偶出入于

元邊山楊升庵詒家移步換形節
雄味承訪家逸品也較近自屬樊榭
有其精雅而化其樞密轍矣叔虧
放典樊榭角逐後世之詩者量
能軒樊榭而輕詞譽哉古來才
士之不遇而以詩傳者代必有人

試居指數今代作者則胡蘋
人之初參上矣其豪矣

乾隆辛卯春日因學布王鳴盛

西莊氏錄題

序

初笄以御儻羸首之才理
些齋俗中屬經艱焯而發
為歌詩獨能一屏唯殺悲
襟之音而歸於情意和雅

星殆有是乎其肉者独案
十一年前傷寒武林即耳
初脊名而人多謂其平崖
不可近今初脊未邪上5
余一見如舊相逢且出其

所作詩文必問通於摘植
盲而潛耳不倦能則絕初
聾不可近者但嚮言終耳
他日初聟全集咸寄為
能為糠粃之遺不若書

故以爲統期之策云
庫官枯日全樽山中人至
此應書於揚州宦舍

一片清才敵素秋夕陽
吟遍千三樓共解南國
風騷侶併作西園冠蓋
游上日琴尊陳桂苑中
宵絲竹在蘭舟遙憇倚

旅情江夢直逐潺湲到

十洲

三才殿賦紀南朝

秋老燕城空意消陳迹他

年空綠草清尊此夕又

紅槁美人贈珮珠簾月

名士題襟玉榭簷沈約近

素無恙否桃李春水盼

歸橈指沈文沃田

辛卯人日蕭亭盛瀨元讀於

峯山書塾

綠酒紅燈惹渺然隋

煙小別又經年故交無

恙清江曲多半流傳贈

珮荔

集中酬唱諸君
子皆余舊好

琴平水

驛尋閑過一歲添光

擲紅梭不及浮家江
上言載花載酒醉烟波
余近月都下偶琴言佳會感
勞人鶯鶯羣一樂烹
真天上仙才聯舫家

桃花潭

口二言汪倫酒

旗歌扇若爲招遺蹟

猶堪溯上朝不忘烟

江花月夜香濃燈煖

聚蘭橈碧城十二古

清虛信有仙人樓上
居到名三山風力健
歸來徐市素何如
讀書

題遊仙詩
亥宵所會

駕羅青

驚月來斜洞門有路

陽塵沙祇應日逐笑
客會閑伴仙人稀
苔花
柳巷空傳著
作鄉全涯積簡搢荒
涼跕翼皆有沉冥地

欲向康山舊草堂
旗亭到處聽鈞聲不
盡迴舟倚笛情夢
遙紅橋風雪路探梅
臘夜月初橫

葆真主人示余邗溝近稿挑燈
寒夜感觸吟餘悔羸馬於
風冷悵橫琴于江許明珠翠羽
凌波多嘯侶之遊白粉青簾載
酒懷尋花子約十三株半繁星
水澄苔橋邊二分月皎涼動白

頻上清慈幸紅豆子落仙蹟微
泛瓊華酒訪幽情擣旅水調
重翻謝十丈之歌塵駐徑向壬申
子綠楊秋晚惜其跨鶴初歸紅
雨春濃借我揚舲更往

華亭愚弟王鼎

邢溝集

古獻

秀峰活版

將遊廣陵漫興

前生豈是陸龜蒙愛向江湖泛
黃庭欣不乏何妨隨處着踈慵

滸關午發

久苦米鹽累幸茲暫遊盤秋氣微餘暑川
原暢遐觀硃蓼垂枉渚金鱗戲回瀾野鳧

導扁舟泛泛雲水寬年來悟浮世在處心
可安閒謠寄幽賞不信行路難

漫賦

夾岸蟲吟向晚天雨餘風景正翛然客懷
已是無聊賴水閣誰家弄管絃

立秋

天涯秋又到宋玉不勝悲葉共鄉愁亂河
隨客櫂移嫩涼生碧簾幽恨託深卮故里

空遐思刀環未有期

將進酒

葡萄酒琥珀觴氤氳芳韵騰華堂明眸皓
齒列兩行紫雲白雪歌清揚麗服在御花
遶座良辰莫被塵氛挫須悟浮生是隙駒
酣吟且向瓊樓臥

雨夜

孤榜波宵發停橈旁水邨涼琴無俗韵旅

簟有秋痕雨濕還鄉夢燈搖倦客魂岸蛩
休訴怨心跡與誰論

舟次寄笏山申公

篷牕澹無事昕夕翫書史茗餘炙甜香清
絕真可喜蕭閒安我拙敢云薄金紫含情
念申公明堂願殊美握手悵難期孤吟託
雙鯉目斷向停雲秋江麗霞綺

艤舟亭寄倪敬堂侍郎

渺渺秋雲憶故人
艤舟亭上月如銀
十年彈指誠堪駭
浪跡煙波幸葆真

早秋客興

雨逐川途暑氣回
篷窗把卷興悠哉
草間螢火乘風起
岸曲蟲聲喚月來
鄉夢亂隨秋葉墜
詩懷濃似晚雲堆
空江誰聽袁宏詠
寂寞租船獨舉杯

酒醒

橫江風雨正飄搖堠鷺亭烏共寂寥酒醒
鄉關何處是可憐秋鬢已蕭條

遊鶴林寺

谷陽誠古邑此寺自唐興影庇驚投鵠牕
鑽欲出蠅樓高堪眺望地敝失炎蒸媿我
牽塵網無由悟上乘

哭蘿村許襟丈

每謂君才晚必伸那知天竟喪斯人酒杯

尙憶生前興詩卷空餘篋裏春白馬未能
棺次哭炙雞終擬墓前陳年來親串多乖
忤目斷江雲淚滿襟

鎮江小泊懷吳魯齋明府

京口初卸帆秋陰晚潮廣宿雨霽深林餘
滴弄幽響篷牕展道書境寂心自爽墟煙
曳修緝汀鷺厲孤往酒舍颺青帘漁舟晒
絲網吳侯期不來迢遞負清賞

秋初偕王夢樓太守鮑雅堂中翰龍
秀峰明府樊靜軒孝廉張平伯秀才
遊何氏園

聯襟訪何園暑退風物美入門挹溪光塵
抱生歡喜當廄排煙鬟繞砌馥芳芷疎疎
蟬鼓鳴淅淅荷風起蔭沼柳搖青拂檐薇
弄紫遺植說弘農古柏翠于綺閒憇香雪
居徵歌昵小吏時夢樓攜有歌者良會惜易徂長

謠興難已

次韵

王文治

日余罷郡歸本愛林泉美閉門意自
欣有客情亦喜武林舊詩壇卅載佩

蘭芷

訶葢與厲太鴻輩同西湖詩社今將三十年矣維舟忽

見詣朝臥慵乍起因之遊興濃南園

訪紅紫桐疎陰更清荷敗波猶綺一

樽雖簡畧跌宕論文史日落念分攜

悵悵何能已

次韵

鮑之鍾

出郭眺名園勝遊同子美薄暑衿衣
輕新晴鵠聲喜流水周堂下眷言攬
芳芷觴詠趣何深絲竹音間起風翻
荷背白露滴花房紫主人揚班儔上
客藉金綺名山半踪跡跌宕稱詩史
良會如可追清興何時已

漁翁

全家生計寄舟中，最好街頭署釣翁。
短櫂暮歸春雨綠，輕蓑醉舞夕陽紅。
蒹葭影裡閒吹笛，楊柳磯邊自補篷。
兒女團圓憂患少，烟波幽趣樂無窮。

雨夜

積雨孤舟夜微吟，思不禁只應江上水共我客愁深。

狠石吟

孫劉霸業俱無痕山前怪石猶崢嶸凍雨腥風生碧蘚僵臥未逐王初平青蒿綠草埋雙耳瘦影亭亭照江水緬想籌兵坐語時英雄豪氣應無比一旦唇亡齒亦寒空留此石後人看爾汝歌成供一噱金陵辜負說龍蟠

金山上作

蘄王舊事感羈情可歎才難與命爭豈爲
未曾擒兀术潮來猶作鼓鞞聲

庚寅七夕

良辰客裡徂兀坐殊不憚况遭雨兼風鵠
駕悶玄迹遙林動秋聲斜漢耿微白靈彩
雖晦潛景物自閒適月帳想飄飄星房共
憐惜緬彼膠漆歡感我羈孤客扣舷吐長
謡晚霽邗江碧

病目

明上無端忽被殃看山讀畫兩相妨也知
視乏因花癖枉說精虛爲色荒龍樹嬾求
仙論妙決明時捻藥丸香緣愁不禁杯中
物巖下何由發電光

秋夜同沈沃田陳對鷗金樓亭吳魯
齋家石田諸君集江鶴亭如意齋分
詠魯齋所贈韵箇得職字

新涼暢詩懷勝集綜楮墨追隨素心朋
情話忘日吳瓶花婢玉簪盆沼汎金鯽主人
靜者流言貌無修飾吳侯餉韵笛琅玕發
光澤采尋自渭川位置宜硯北百七部咸
該四聲統所職因之託詠吟雕琢慚病力
隨意恣手探差欣免心織光奪牙籌華翠
踰玉尺色吳興與平冰古訓良足式旣省
仙姬書奚煩禮部刻搜奇膝屢搖押險頭

頻側詎止陶性靈兼能散憂抑一笑牽率
成銀蟾印苦城

同作

沈大成

四聲如排籤林立簡而括氏之曰韵
箇隨意引手拔詩因蒐難窮詞源濬
莫遏一叶驪珠探累疊遼丸脫燄爭
李杜長氣使曹劉奪吳侯大雅材風
騷入三昧製此便取攜竹光翠疑活

投贈視琅玕百七部可撥主賓皆健
者高興發箭筈遇夷獨出奇履險巧
迴幹吾老苦思枯書空徒咄咄吟成
倒巨觴庶解渴羌渴

同作

陳 阜

新涼殘暑馳招邀喜詩老高軒茂苑
來吟具出精妙入座共傳觀咨嗟賞
製造截筒想選篁琢籌擬擇篠遂令

平水韵無庸開卷討四聲百有六暗
索只藉爪策勲翰墨場雅集似可寶
古人重竹書若拙乃大巧

同作

汪元麟

古韵不淪亡四聲崇沈約刻竹薈爲
箏巧製誰所作風雅吳明府高興親
琢削攜以贈詩人四座光瀆薄秋夜
喜初涼名流集宴酌覓句共躊躇拈

韵同踴躍因以著爲題騷壇秉橐籥
大雅推羣公小子才劣弱寸莛叩巨
鐘冥心效探索欲窮四庫奧苦被六
義縛如君李杜儔鎰幽出險鑿健筆
快凌雲雄談恣雅謔主賓各盡歡掀
鬚有餘樂寶此瓊瑤投挑燈重洗爵

同作

吳 賢

漢竹擅嘉名哲匠傳心授韵篇製作

巧精雅垂文囿選材加濯磨奏刀妙
刻鏤體堅玉光瑩質淨絲紋透旣宗
才老覈兼訂隱侯謬一百七部中羅
列紛雜糅主人騷壇雄娛此永清晝
秋光文讌開廣座延耆宿滔滔詞源
寬便便腹笥富光芒射霄漢藻繪燦
綺繡探奇錐出囊抑強箭中彀觴政
森而嚴詩思迅以就嗟予筆硯荒靜

對斂雙袖銅鉢催屢遲金谷罰難宥
徘徊詩未成沉沉聽殘漏

同作

金兆燕

客從吳門來持贈有吳產斤竹以爲
籤小筒以爲擗淇斐想猗猗湘淚餘
潛潛良工巧琢磨意匠發華皖小楷
刻數字部分嚴捆閭差次一百七一
一爽且曠燈前試把玩昏眵擗老眼

如探懷囊策似執手中板無勞分虎符大可配龍璣主人雅好客高情蠹雲棧秋堂開紗帳晚食羅珍饌勝引旣廣招鄙人亦獲辱分曹戒譙呶拈籌慎覩轡憑天授險易任運值繫簡逞豪矜屢疊防黠杜私揅競病不敢辭尖鹽聽所限或怨金披沙或快肉貫弗互換在所禁迴易亦自赧未安

雙目蒿旣穩一笑莞半日纏苦吟霎
時成巨撰矢箇請各歸著囊俟再捍
倘同海屋添爲君筭醴醕

同作

江春

使君中吳來秋風片帆瞥遺我平水
韵四聲森以列散爲百七籤粲然衆
星揭貯之青瑤箏摩杪竹光潔掃徑
迎嘉客壺觴次第設忘形脫冠巾譚

荔灌冰雪卽拈以爲題健筆舒屈鐵
鬪奇出險強取勝在穩切一協人皆
驚千言思不竭吳侯掣海鯨羣公霏
玉屑紛吾媿謫愚急緩苦難別庭梧
葉乍零蟬聲聒餘熱皎月爲娛賓清
意良可悅

題羅兩峯鬼趣圖

衰燈無焰月模糊獨向幽窗展此圖要識

萬般皆幻相夫君何意屬酆都

海島曾聞號夜父齊諧志怪太紛拏縱然
要使仙翁賣載取何須清一車

尸険林下縱遊盤何事移來畫裏看八萬
四千幽鬲底燃犀應更有奇觀

左史浮誇笑太勞阮瞻無鬼論誠高縛船
資送渾多事野仲游光任戲教

七月十六日金櫻亭廣文招集三賢

祠醉後放船紅橋聽彩郎度曲石莊
上人倚洞簫而和之

月波搖漾天宇涼虹橋亭榭瓊瑤裝飲散
露臺碧筒潤舟迴花底蘭橈香秦青歌喉
似珠貫笑泥枯禪洞簫按流音已遏雲彩
飛餘韵還隨螢影亂華燈高下奪明星更
伴啼蟹作楚聲須臾變調更清厲如聞丹
鳳空中鳴嘉會易徂休浪擲天涯且遣羈

懷適漏轉河傾客自歸濕銀萬頃邗溝白

同作 程晉芳

白露未零熬未已晚來圓月當澄水

水月相涵得少涼故人招我嘗醡酬

阿師橋畔縞如霜三賢祠邊翠若洗

酒後舟行從緩緩夜靜草香猶靡靡

觥籌絲竹錯雜陳醉裏聞歌易感人

怪他衲子參神解豎笛吹來六氣勻

阿彩年纔十三四唇舌應簫柔且脆
宛轉蟬聰哀艷呈將毋破道妨老僧
潛虬不吟語蟋咽座客徐聆嘆奇絕
字軟腔沉半闋移天清月徙三更徹
林亭泉石澹欲無好風瑟瑟吹輕裙
迴燈泊船響稍寂荷葉千枝向人碧

同作

金兆燕

主人旣醉客欲歸中天寒玉牕清輝

燈火高低畫船重回首高樓昏似夢
石莊上人老且顛簫聲中有文字禪
惠家彩郎纔總角歌喉一串珠絡索
簫聲綿綿歌聲遲分寸暗與輕舟移
箏琶羯鼓盡匿響但裊一縷空中絲
泛音遠掠涼波歇約住輕雲未教滅
溝船醉客灑然醒愁聽寒蛩共幽咽
秋林庾墓王郎歌千古傷心喚奈何

與君且証聲聞果更上空山吹法螺

同作

吳 賢

日脚沉沉澹將夕銀蟾影貼遙天碧
濃烟翠霧滿晴湖帛舫紗籠燈似織
緩緩迴舟一水遙涼颺墜葉正蕭蕭
誰轉音喉度新曲妙齡車子倚蘭橈
座上一僧獨無語巧按珠歌入簫譜
嘹亮聲高欲遏雲老魚出聽瘦蛟舞

一曲將終夜氣清餘音嫋嫋更多情
誰知此地三年別翻覺今宵百感生
勞人相對各嘆息紅橋舊事難追憶
繫艇垂楊驚宿鴉起視星河含曙色

同作

鮑之鍾

雲容雨態秋暄妍故人邀我乘湖船
湖中風景夙所愛屈指不到幾十年
朱欄半舊恰臨水繫纜偶傍平橋邊

娟娟荷氣含淨露冉冉竹色搖輕烟
椒漿桂醑苦未辦摶衣再拜叅昔賢
流連不知日已暮况有急管催繁絃
石莊畫師老禪客碧眼照腮霜作骨
戲拈紫竹學鳳鳴吹起涼蟾碧天色
當筵度曲梁塵飛采郎濯濯真吳兒
歌喉一串落水底點點清徹光琉璃
方舟響切行雲遏後舫前船相問答

但覺清光萬里來
不知涼吹中流發
主人稱詩老客星
徵歌昵酒常不醒
一官匏繫猶空橐
剩有豪氣凌滄溟
星迴漢轉涼露零
夜歸不怕嚴城局
繁華太息真一夢
莫遣按板歌旗亭
詠物次友人韻

引得遊絲柳線無
拈來真可飯僧雛
旁人莫怪成何用
補袞新功屬大夫

松針

何緣卯宿肯垂青窺遍虹隄與翠屏午倦
乍舒如薄醉和風吹暖勸惺惺

柳眼

雨餘遍地疊青蚨劉寵當年入選無欲買
春光誰作主簾來攤去笑何須

榆錢

蠻氈莫逞有奇溫一片鋪來遍小園醉卧
底須攜枕簟滿身花影月黃昏

苔茵

建隆寺

閒縱城西步秋容麗給孤磬音隨鳥散莎

原缺

畫工心力細丰姿不似洗兒時

題吳邵郎行看子

若人梁棟材奚爲耽野服櫻笠與芒鞋孤
遊暢幽獨渴不羨靈泉偏提貯醕醕每笑
白雲忙不遣紅塵撲擺脫世俗緣消得清
閒福披圖一愴然媿我殊鹿鹿

追悼楊姬

花殘月冷有餘哀旅館悲悰撥不開應是

芳魂隨遠道幾回合眼見卿來

春柳腰肢秋水神眉山肌雪可憐人早知
至竟渾成夢悔不終朝共飲醇

簪花妙格仿歐陽寄我書函字字香堪恨
鬱攸偏肆虐不教盡篋剩餘芳

吹竹彈絲事事工聰明何劇命何窮浪遊
偏值孟蘭節麥飯無人送殯宮

月夜

虛牖印涼輝吟餘換祫衣一年秋又半千
里客思歸露共愁腸冷螢隨旅夢飛漫言
香霧濕多病帶寬圍

夢中

夢中驀地降娉婷相對文牕旅悶醒莫怪
狂奴平視久遠山愛煞雨餘青
宜笑宜嗔百種妍暫同茶話亦前緣虞翻
自媿多屯相安得紅絲作比肩

力渢集
帆影

婀娜孤帆影乘風勢未降帶雲飛極浦拖雨渡寒江漠漠莎籠岸沉沉水映牕最憐秋月落無緒伴吟缸

漫興

閒館新涼愜放慵幽花小草自叢叢歸心已逐驚秋葉客夢猶嗟弔月蛩未肯依劉餘傲骨還思訪戴托微衷長吟不覺城笳

動庭樹蕭蕭起晚風

舟次丹陽

寂寞雲陽路孤吟一黯然蝶翻芳草嘶鴉
亂夕陽天旅思傷棲鳥歸心急暮蟬舊林
空自好羈泊過年年

奔牛鎮

小泊奔牛日已曛秋空一碧絕纖雲香林
寺接能仁寺斷續鐘聲斷續聞

常州

夜月毘陵道淒然有所思授經堂尚在屏
山夫子舊曾居此聞笛客誰悲難覓拋琴瀆空餘
洗硯池自憐飄泊久欹枕悶裁詩

秋陰

秋曉生憎便積陰水齋孤枕戀重衾已嗟
巖桂香難吐更惜池荷瘦不禁杳杳高樓
聞短笛淒淒隔院動疎砧烟光蟲語皆蕭

瑟閒炷龍涎弄素琴

夜泊清浦

大半人家近水居客舟維處月生初浜兒
萍繡浮魚婢斷屈燈紅上蟹胥街析分明
妨遷夢蓬牕闌寂稱檄書妄思孔宅遺環
見詰旦城南扣佛廬

瑟閒炷龍涎弄素琴

詠鷄冠花

風迴翠葉舞翩翩宛似媒場得意旋霸重
五更啼不出高冠猶聳綠窗前

夜泊清浦

大半人家近水居客舟維處月生初浜滟
萍綉浮魚婢斷屈燈紅上蟹胥街析分明
妨遇夢篷窗閑寂稱攢書妄思孔宅遺環

見詰旦城南扣佛廬

邢溝集終

跋

自古佳麗名區必有高人以遠眺秀靈勝
地更資巨製以探奇故孫公擅大雅之才
湖頭誌蹟何遜攬名葩之韵官閣含香牛
斗分驪彙人文於繡壤隋宮故址揚鼓吹
于竹西蓋歷數前賢固地以人傳而人因
地著而宏覽斯什亦情緣境遇而境藉情
留也時則越國華宗才含羅鳥天都望族

彩發江花卷帙千倉蒐來禹穴圖書四壁
博討籀文硯匣筆牀擬天隨之泛宅烟蓑
雨箬思少伯之浮家店月橋霜到處得江
山勝助茶檣酒幔隨時有琴鶴佳遊文選
樓前尚挹風騷領袖雲山閣外猶餘觴詠
襟懷蜀道遠連岡達秦關百二蕪城高望
樓空殿脚三千意到筆隨便揮兔顙泉流
風發特寄蠻箋滿腹具有精神巧生繡口

揅腸自喜文字細錄蠅頭佳興人同亦弄
桓家之笛靜觀自得旋移米氏之船或嚼
徵而咀商潘張亦招入座或敲金而戛玉
顧陸相與陪軒山影齊平藻采並烟巒而
競秀濤聲震撼文瀾挾雪浪以偕騰投以
奚囊宛貯天邊雲錦藏之鄰架恍聞地上
金聲則編此瓊瑤自向才士而相覩刊諸
梨棗亦與邗江而並光矣

乾隆庚寅小春月望後王虎文恩溥氏書
于靜雲書屋

跋

古歛汪先生訥莽風流文采焜耀詞壇耳
其名久矣比吳君魯齋晤訥莽于維揚官
舍數為予嘗卽由是訥莽亦知予名吳越
兩地未獲訂交去春忽遇于金閭雁宕里
出示蘭溪甌江諸遊稿予集唐人句贈之
如舊相識猶相見恨晚也今年訥莽由廣
陵道過吳門復以邗溝集見貽名章秀句

觸目珠璣集中倡酬如棕亭魯齋條山諸君又皆予夙交想見綠酒紅燈青簾白舫尋花度曲于平山堂下當不令漁洋擅美于前也憶予贈棕亭詩何因共對楊州月芍藥花開摘紫蕤棕亭答詩云請君乘興賦蕪城金帶圍中度初夏今予戢影蟠廬偃曝周旋足不出庭戶當階紅藥綽約敷

花因頌胡嵩瓶裡數枝婪尾春向知二十
四橋勝遊佳麗又付之趾離他日擺脫喧
塵行當偕訥莽揚舲而往以慰良友之望
與諸君把臂聯吟續邗溝集後雖珠玉在
前諒不簸其糠粃也爰書之以附于簡末
時壬辰送春日長洲愚弟程琰拜跋于稻
香樓下

序

蓋聞錦囊投去韻傳一斥宮商
銅鉢催來艷奪九霄霞綺惟是
月露風雲之什每致詣於雞林
務得和平溫厚之宗庶爭傳於
虎觀秀峰主人少時產士家在

齊雲巖畔坤奉鍾英身依明牒
湖邊人誇挺秀瀾維詩學直探
星宿源頭揣厥文心瘦列蓬萊
頂上擴心胷於三千界外指點
金焦寄情愫於廿四槁頸往來
燈月淮陰三傑偏貽驛客三讥

江廟春秋特潔勞人至薦湯寫
賢之封植瞻仰維殷渴 亞聖

之宮牆景行弥切寄懷多逸韻
豈徒红豆相將作客擅風流不
放清尊缺他愁緣觸緒浮來兜
女情長感不因時孰謂英雄氣

短守珍挹璞黃金臺七字與渭
握繫懷鉛青玉案半生成癖托
知心於蘆浦明月聊以解嘲散
俗塵於邗上清風差堪自得才
以斂而彌雋向以琢而益工洵
乎兩制東西名齊庾鮑允美大

江南地重重淵雲僕也未許言
詩把巵辭真莫贊敢云同好啓
箇美不勝收仲時載酒重來考
窺全豹此日添香卒讀深愧續
貂艷上愚弟褚啓宗拜題

題詞

清才得助有江山攬轡齊襟燕韻楊柳
春風傳麗句旗亭到處按雙鬟

踏歌瀟灑數汪倫卅載詩人又酒人記取

陶然亭畔路與君同醉落花春

庚寅春余客都數與

詆菴
相叙

青駝風雪白溝冰北去征程憶昔曾此夕

一經才子筆宛將圖畫寄吳綾

煙中遠樹翠中嵐話舊從教剪燭談難得

歸來有同好梅花春雨愛江南

時王條山歸粵東方

西園寓玉山訥菴借來吳門以游稿見聯屬題并訂探梅鄧尉

華亭

吳

鈞

陶齋

襆被古幽燕終朝擘彩箋紅塵屠狗市綠
草放鷹天落落才人想惺惺小婦憐閑情
將賦筆辛苦夕陽邊

鎮陽季夢荃雪堂

清才雅望跨時賢跋馬征途儼若仙縱酒
高歌無別事風流獨許杜樊川

江山點綴仗雄才覽古千秋眼界開十幅
蠻牋佳句徧錦鞍新向日邊來

憶昔揮鞭踏軟塵浪遊京雒幾經春騎驢
詩卷空留篋輸與崎嶇磊落人

歙縣方之綱西園

故人剖劂新詩句踪跡三年信轉蓬漢體

無須依北地越歌遮莫播南風

詆莽詩宗浙派

吟

情珠閣松聲外旅思金臺草露中

集有報國寺松

黃金臺二歌陳夏壬申高會在欲將彩藻振江

東

青蒲

徐蘄坡

石農

一卷新詞白雪高雲間壇坫振風騷京華
名士多於鯽如許清吟亦足豪

穿林風送鐸郎當驢券匆匆趣曉裝一種
羈愁消不得葺城月色薊門霜

半生我亦作勞薪雨驛煙程幾度春三復
新詩倍悵觸征衫抖擲帝京塵

倦遊兩載楫生衣屈指鄉園舊雨稀至竟
不忘西笑樂肯教戀戀故山薇余明春

昨逢幕下題詩客

近於華署
晤范瘦生

曾擬尋君共

掉舟無那清談便分袂夕陽不肯爲人留

棗梨久已見流傳新喜雙魚附一編君詩從明
府望亭先生札中來覲面未經翹首切何時爲放劄
溪船

山陽阮學濬蘿邨

鶴拂煙霄老慣飛用香山句乍逢天際一舟歸
雲霞氣合居黃海京雒塵難化素衣市上
碎琴曾客詫山中抱璞洵知希五陵多少
豪家子競炫裘輕更馬肥

盥手開緘屏俗喧一編詩恰媲瑤璠江雲
朔雪三千里抹月批風五七言燕趙由來
多感慨荃蘭最是憶嬋媛旗亭應有雙蠟
唱到處驚傳醉墨翻

休寧吳 賢魯齋

春日登虎阜林花燦如綺高閣構懸巖山
光映文几竭來一卷詩風懷多可喜幽蘭
帝王都迢迢三千里推篷凌晨霜膏車及

昏晷月吐四更餘花發重山裏駕言齊魯
墟古迹猶爭峙憑睇一晞歎清音激流微
遠懷布衣交密邇青冥士深情雅欲流落
筆雲煙起壯遊感予心三嘆不能已東華
軟紅香馳驅從此始時予將有入都之役

寶山范起鳳喪生

絕代才人絕妙詞旗亭爭唱卷中詩一鞭
京雒重懷古錯認尋春杜牧之

看君掉鞅上吟壇，吟到江南烟雨殘回首。
岫雲嵐翠裏，集中岫雲詩有重番扶夢
上長安。

絲管紛紛花氣薰，樽前小部敵紅裙。
指客冬雲
間事春來偶放探梅櫂，名士如蠅盡附君。

長洲程琰東治

京師幽薦地，名都燦雲綺。懷古多詞入，吟牋盈棐几。伯玉最擅場，唐音正可喜。厥後

范致能和歌非下里滌水

趙與遺山

元流

元流

誅忘晴晷吾友繼昔賢探奇山水裏作爲
燕趙吟才華驚特峙標題富琳琅讀之協
官徵嗟予日閉門誦詩如麟士感君事壯
遊樽前投筆起乃知佳麗句移情正無已
新詩今古傳千載推正始

照文
黃叔燦牧村

君才磊落負不羈素抱未遂青雲期遍訪

名山探靈境抑塞盡吐胸中奇奚囊蠟屐
佐吟興不讓謝眺驚人詩去年束裝策征
騎出門西笑遊京師北過黃河歷泰岱山
川登眺窮遐思不須黃金結燕客瓊瑤贈
答惟歌詞歸來篋中富吟稿開編楮墨猶
淋漓雅音示我愜微尚風格未肯趨時宜
恍聆成連海上操令人神往情俱移

寶山
程師濂蓮亭

匹馬曾從京雒過緇塵空染素衣多七年
繞我金臺夢予以內外艱不赴公車四海傳君燕市
歌郢客自來稱白雪旗亭底用唱黃河他
時重醉蘆溝月一笑相逢更若何

吳縣卞樹毓培基

壯遊赴京畿遠道記諸詠揚州值上元歌
吹竹西聽釣臺溯韓侯珠湖覽名勝有墓
必憑弔有祠必起敬或訪岫雲僧或傍雙

松徑觸景懷良朋瑤華時寄贈手摹石鼓

文因慕人才盛相逢黃金臺意氣何雄儔

名利總不關蘆溝月如鏡

集中有料得知予惟曉月不關

名利也相尋之句 謹然留清詩抽毫寫餘興

長洲

凌魁炳

少穎

古稱感慨地應有義風存一卷編新句千
秋弔昔魂黃金臺畔路上谷郡前門絡繹
輪蹄客高懷試與論

華亭胡鼎衡湘南

詩名卅載滿東南
越水吳山次第探
開卷新詩來燕趙
好將玳瑁細裝函

征軺北指到燕山
曾向邗溝幾往還
試聽紅橋風雨夜
催花低唱有雙鬟

玉淵藍水古名區
唱徧旗亭舞六銖
一曲陽春曾屬和應
慚魚目混牟珠

風流文采動江鄉
麗句題成墨自香
擘得

濤箋鈔百本烏絲字倣十三行

客燕偶存

古歛秀峯汪啓淑

圭城晚發

開歲麗風日眷言趨上京晚發谷水陽乘
月遂宵征紓廻川塗曲歛乃烟撈鳴連村
見燈火隔舫傳歌聲雪融渚梅坼冰泮隄
柳萌蓬窗有樽酒亦足陶吾情

柳枝詞

靈和遺植擅風流掛月拖烟旁畫樓春晚
無能繁絮雪却舒青眼替人愁

早起西飛有夜鳥香輪寶馬縱清娛空垂
百尺黃金縷綰得天涯蕩子無

次無錫

凌晨出滸關亭午及無錫騁眸西神山蒼
靄濃欲滴未遑探名泉空憶舊遊歷情移
翠嶂街烟芳定堪摘閒眺倚蓬窗一鳥破

幽寂卽境良可娛悅耳謝等笛大地盡邇
廬永言任所適

渡江

鐵甕城西曉放船汀蘋岸柳思依然託身
媿我無良策辜負梅花又一年

東風送客亦多情況見金焦兩點明可惜
塵牽無暇住景純應笑冷鷗盟

錦春園

延陵有菟裘綿邈覆瓜步竭來值韶春柳
雪點沙路當門蔭壽藤勢若舞蛟怒清池
肯受塵穢柳具閒趣巖幽蘚翠濃榭敞花
叢護恰恰鶯弄簧漠漠烟橫素籠含輕
風蘭薄湛香露跂石興頗超登樓愧難賦
旣愜滄浪情況抱烟霞痼舊雨此棲遲避
追憶良遇彈指十餘年流光信如駕昔年
周

運判雪

於此撫景奏長謠深衷藉茲布

揚州上元

歲華忽漫及元宵借柳隋堤纜小舠遣興
隨車閒我步秧歌竹馬正軒囂

綺陌芳塵蔚若雲驚時遊子歎離羣雖然
未得瓊花見明月今宵恰二分

六街簫鼓衍魚龍金勒香車處處逢歎我
風懷渾減盡也隨游冶策青筇

火樹銀花間蚤梅逢人皆道看燈來華山

圖有誰吟賞笑就吳姬索酒杯

幽坊靜陌列紅妝更愛綬繪滿路香莫謂
繁華沿舊習熙熙民物兆時康

斗轉參橫興未闌董公祠下更盤桓誰憐
孤負傳柑手小詠燈詞強自寬

獨酌有懷

集陶

故老贈余酒淹留忘宵晨形骸久已化衡
觴念幽人廻澤散游目言笑難爲因清謳

結心曲思與爾爲憐

韓侯釣臺

韓信遺臺枕水濱
我來憑眺野花春
細思孤負稱三傑
生死如何屬婦人

春日偕汎陽牧程瑞軒上舍程石園
遊龍興寺

淮陰本澤國城闕富煙水
眷言訪龍興同遊
得程子笑買缺瓜船
蕩漾春雲裏於時

宿雨銷風日鎮和美柳眼半含嬌杏臉淡
可喜恰恰鶯弄簧霏霏花錯綺弭櫂陟精
廬蒲牢淨塵耳捫碑攷厥初俯仰懷泰始
善哉宏農公起廢殊堪紀古佛煥重裝貞
珉欣再峙怖鵠喧生臺法雲結華蕊梵聲
鬱隆隆香篆浮靡靡徘徊戀靜居金烏駭
西馳歸楫剪珠湖渺渺萍翻紫遙天盼明
霞沿岸牽香芷叩舷發新吟汀鷗忽驚徙

淮南逢方岐泉上舍

山陽忽喜接良朋話舊翻令感慨增少日
韓侯原善忍老來燭武更無能閒情空逐
春雲遠客抱還同楚水澄便欲偕君垂釣
去時無漂母興難乘

題友人小照

澹蕩煙光暖碧陰古槎閒坐息機心不放
輕解龍唇縛流水高山要賞音

花光鬢影闔櫨園倦讀凝神得妙觀飛瓦
恥彈清角調師承應愛董庭蘭

珠湖小泛

肅舲過珠湖春陰殊晦暖隄柳燦於金湖
光綠如黛候鳥時弄聲輕雲盡含態濶濶
渚風清離離花影碎徧歷諸名園亭午興
未艾煙霞屬吾儕閒謠性情在

題洪渭野行看子

呼茶應欲沁詩脾謾謾聲來更解頤畫暝
魑魅調鶴罷庭花芳韻上吟眉

悟得無還任自然松根閒看舞胎仙琴中
倘許爲同調莫笑狂奴又拍肩

寓齋曉起

幽齋傍夾城景物最澄明竹徑晨風細蘭
叢夜露清飄零同季子著述媿虞卿悶倚
欄干久初陽樹杪生

江上寄蔣謝庭中翰

山杏紅已繁江柳綠逾好我行值韶春觸
目傷羈抱寂寥倚蓬窗晴日光杲杲水容
深似藍沙路淨於掃隱汀海客鷗繡岸謝
公草爲念同懷人旅思愁如擣末由聯畫
橈相於抒麗藻因風寄短謠膠漆願相保

題畫

溪口濃垂春柳山腰淡抹歸雲琴餘遺興

閒步看盡橋西夕曛

春洲曲

綿蠻黃鳥喧芳洲柳烟梅雪含春愁釀雨
東風逗輕暖磯隈對汎多銀鷗蘭橈容與
金闕客逸思如雲暮天碧溶溶新漲濕汀
莎遠翠柔紅信堪惜

寶公禪寺

小泊甘棠鎮幽尋詣上方門臨三楚岸牕

列五湖檣古柏垂濃黛疎梅倚淡妝鐘聲
搖落日樓勢敞晴江閣閣鯨嘶冷隆隆梵
唄揚眼明功德水心醉衆名香怖鵠棲飛
棋降龍隱繡梁金容爐借助螺髻柳分張
後果知難悟前書恨已忘出塵思寶筏度
世仰慈航得得嗟來晚三三惜未詳候禪
循丈室瞻像步修廊媿我同孤鵠憐僧似
啞羊法雲思結蕊忍草正含芳聽鼓音猶

駭捫碑字半荒幽居輸自在暫到亦清涼
珠煥千秋彩燈傳無盡藏林鴉催客返風
竹笑人忙森森春波濶悠悠京路長時將赴都
平生寥落意狂擬問空王

江岸遣興

散步江隄爲惜春稠花密蕊正撩人東風
送暖朝暉麗擁鼻閒吟發興新
幾株桃杏媚朝暉竹淨沙明近水村着色

倪迂差可擬乞漿容我叩柴門

露筋廟

遠悔適遐方
敢云跋涉苦
情欣水窗閒興發
江廟古陰陰
隄柳垂漠漠
湖雲吐鹽手薦蘋蘩再拜致
心縷千秋重
守身一敗誰爲補
憑弔夕陽斜
沙禽逐柔鱗

高郵州

百雉名州枕水濱
綠隄楊柳綠差差
雄蜂

雌蝶皆無賴早杏殘梅各有姿日落關河

鳴鼓角風迴城郭動旌旗故人不暇衝泥

訪

爲州牧時方雨後

龍燦

小倚蓬窗且賦詩

臺兒莊始發

午發臺兒莊東風送徂雨依依官柳低漠
漠墟烟廣候鳥弄鈎輶晴雲浮泱漭原野
旣廓如襟懷便疎朗嗟哉同調人謂鄭麗農諸君
迢遞阻清賞沉吟向夕陽征鐸送清響

偶成

漠漠黃塵繆客襟可人難得是春陰惟餘
夾路蕭蕭柳裊盡纖腰伴苦吟

綿梨潔可比瓊瑤能使文園渴暫消悶作
車中新婦狀鞭絲帽影太無聊

陰平

歇馬抵陰平朱霞麗晚晴山櫻迎客笑路
柳向人傾翻草宜隨蝶攜柑擬聽鶯自慚

蓬累久役役負平生

春雉篇

時哉時哉羨春雉結偶翫麥田裏朱冠
向日紅欲燃錦翼迎風艷於綺閒舒繡頸
咿嚦鳴不願排空騰萬里 聖朝庶類感
仁心一任超遙飛復止笑彼如臯賈大夫

射生但博歡妻子

嶧縣

卯醉醒餘正午晴一鞭初指嶧山程塵昏
古戍粉榆色風咽疲車鈴鐸聲獨客却忘
長路苦相逢賴助壯遊情時與計偕諸君子行北來
差喜吟懷好多恐清狂笑酈生

柳下惠墓

驅車古鄒邑俄見馬鬣封詢諸土人云柳
惠所藏躬下車敬展謁匪特欽高風三黜
亦不恥處和道彌冲儻指古賢達油油誰

與同嗟余乏絮酒生芻表素衷詠言一翹

首雲路聞孤鴻

滕文公廟

滕國居民懷舊德千秋遺廟峙河濱非但見說宗周室鼎祿還聞及世臣過宋親賢真有道之鄒求治惜無麟那禁展拜興嗟歎列國何人繼後塵

苦寒行

元冰慘欲裂浩雪大逾掌馬毛縮若蠋路
阻悵難往飛鳥寂無聲征鼯吼寒響

卽事

官柳千條拂地輕薄雲籠日雨初晴瞢騰
不禁春風軟時颺車衣和鐸聲

謁亞聖廟

停車古鄒陰言謁亞聖廟肅恭陟軒庭再
拜下甬道撫樹感餘徽尋碑展遺貌德大

無不容功深等再造嗟予小子愚宮牆幸
親到徘徊志景行落日紅四曜

次兗州寄杭丈堇浦

投宿人言近兗州坐傷羿濶動離憂一燈
熒羈人初靜四壁蕭條景似秋涉世已悲
同土偶載醪還憶泛金牛無眠聽徹荒鷄
唱王粲休重說壯遊

山行

碑桷循山徑巾車登陟艱長林聊小憩暫使蹇驢閒

行次東阿舊城

二月東阿道風和乍暖天霑衣梨點雪夾路柳欹烟偶爾念曹植因之傷郭淵自慙頭半自行役度流年

午睡

遲遲暖日漸舒長路柳搖烟花遞香憑軒

倦教成午睡東風吹夢過高唐

難得天公放午晴軟紅敢怨襲裙纓曇
疑在吳江曲鴉軋輪聲似榜聲

客邸放歌

東阿旅舍軒窗幽飛塵少息身暫休隨緣
放浪且爲樂飛觥笑謔徵清謳縷梁餘韻
柔於縷斂笑低眉更嬌嫋天涯邂逅屆花
朝竿木逢場謝拘腐況我愁多壯氣銷悶

懷全藉桑落澆萬緣久已委前定痛飲聊
復陶今宵

楚霸王墓

蹶漢顛秦畢世勞空留坏土傍亭臯包羞
若王江東地半壁山河亦足豪

桐城驛

曉次桐城驛停車爲治餐露桃含宿潤風
柳困朝寒曉曖墟烟密郎當鐸語酸嗟予

江海客何事走長安

新店

蓐食戒晨裝殘月波濶灔曉風颺簾幙芳
露潤琴劍亭皋綠柳柔墟圃緋桃艷覽物
感離羣懷人軫遐念行行詢僕夫前程指
新店

寄王大條山

露宿風餐已浹旬停雲矯首歎吟神題詩

爲報籠鵝客莫負江南二月春

東平州

州北聯岡走碧虬小車健捷趁溪流心閒
便覺山川好齒長徒嗟歲月逍笑日杏花
矜嬾嬌倚風柳帶逞輕柔人生最樂惟爲
善事業茫茫媿浪遊

曲宴謠

蘭燈燦垂珠姹唱揚幽韻雕欄轉西蟾粉

頰生紅暈

劉蕡祠

老樹荒祠傍郭門
當年下第惜劉蕡
從來峭直遭時忌
憑弔那禁一斷魂

雄縣

日落羈心苦
停鞭古易京
瓦橋春漲潤荆嶺
暮雲平草草
勞人唱妾妾
故里情寒燈
挑不燭呼酒
帶愁傾

贈史鍊師

斗室清琴絕俗機任敎門外輭紅飛道元
不藉時開卦學博奚煩更下幃塵尾蒲團
情好在黃旗紅紙興全違閒看鶴舞松陰
坐時有飄英拂羽衣

客中寒食

門柳弄絲輕園桃笑晚晴客中逢冷節那
得好心情

陶然亭

旅思如雲撥不開陶然亭上一徘徊青憐
柳帶能舒眼紅愛桃花始破胎四野晴光
空外好九衢春色望中來持頤難盡登臨
興萬疊西山翠作堆

樓上

花柳正含新憑高獨愴神春風雖似酒不
解醉離人

暮春獨酌

獨客傷春暮閒窗引濁醪地偏人過少階
迥蝶飛高翠蔓草新帶喬松吼晚濤壯懷
雖尙在霜漸染顛毛

寺居懷沈雲椒太史

靜夜佛鐘遙羈人耿無寐芳月印閒墀庭
樹發蒼翠舊雨隔清華難招共吟醉相思
寄長謠兀坐憂端熾

遣興

身世年來媿斷蓬靜依蕭寺度春風對人
怕草彌衡賦顧影慙辜馬亮弓客夢屢隨
南去馬鄉書不逐北歸鴻多情深感喬公

子爲鷗村喬進士時惠詩篇共酒筒

凌孝廉應蘭家秋部員外棣招尋石

鼓歌

長安春暮羈懷苦良友招邀尋石鼓膏車

其詣國學門熟視摩挲歎奇古憇予昔讀
杜老詩愛慕不覺心魂馳誰料前元右文
意龜包遠載藏於斯從來讀書須識字篆
刻此最稱醇粹只慚生晚才復疎難曉奇
文通密義繙惟周宣狩岐陽六師虎旅殊
飛揚隨圉史籀濡大筆頌功鐫德辭輝煌
書成體勢變蒼鵠鳳翥龍驤美無匹荒沉
沙礫幾千年惟有昌黎思嗚悒 聖朝崇

儒文運開深檜覆鼓高築臺諸生昕夕得
講解於茲造就多英才我衰久慚心力墮
末由坐此攻清課願拓萬本遺萬人窮崖
幽谷都傳播

戒壇寺

聯襟過戒壇風日鎮清美當門有喬柯濃
翠麗於綺徐步陟精廬稽首禮大士沉沉
磬韻幽裊裊爐煙紫林深深世緣境寂離

塵滓長吟撫古松小憇隱閒几尋樂應及時浮生信彈指

晚坐

寂歷雲堂晚更幽西山爽氣坐來收春風笑爾無聊賴鑄得榆錢只買愁

報國寺雙松歌

報國寺前雙古松崔嵬枝幹如髯龍碧色濃於春晚靄濤聲壯似霜晨鐘蒼鱗慘裂

凝寒鐵偃葢亭亭翠雲結不向秦王乞美
官却從灰洞蒙霄雪翻經時見憇胡僧汎
寥天爽風稜稜盤踞徒然得佳壤棟梁知
道幾時徵

岫雲寺

籃輿度危嶂得得尋岫雲入門淙碧澗滌
盡諸聲聞稽首理兩足爐香正氤氳倚竹
騁遐覽生臺上斜曛嵐翠鬱葱蒨巖花散

繢紛幽禽弄嬌語老樹含清芬汲泉煮佳茗兀坐忘宵分始悟靜中樂深悵嬰世氛辭家慕向長懺非懷休文促襟舒永嘯客抱殊欣欣

吳二匏中翰出示新詩賦贈

膏車北郭訪詞人紅藥翻階正餞春氣度佩君真儼雅篇章示我更清新夢窗未許誇前輩純叔惟堪作後塵便擬僦居比舍

住載醪長得扣韶鈞

初夏

客緒正依依
新篁綠滿扉
麝蟀成晚釀
雛燕試初飛
跡每招人擬心
偏與願違有家
歸未得非是不思歸

黃金臺歌

燕王好士金築臺
魏趙家傑紛紜來
鄒忌陰謀固神妙
郭隗知本真奇才
二十八年

意靡假師禮久執情愈下一朝樂毅拜將
軍兵威遠震臨淄野報誓雪恥終有時芳
名迄今青史垂英雄失志惟暫耳底用戚
戚徒傷悲

漫賦

檢較時風合掩關浪遊笑我太踈頑索居
不解迎殘客獨徃惟耽覓好山野鳥窺窗
情頗洽檐花參硯趣多閒心安是處皆仙

境大藥何須覓九還

述感

吾少卽孤露半生苦遭回賦性復剛直到
處遭忌猜二豎兼憂患身志俱摧頽幸負
聖明時徒慚榜機材蹉跎逾不惑行恐沒
蒿萊悲歌強自道懷抱何時開

蕙性與蘭心可人思絡彩雲偶駐空一
散難再就空炷影前香夢魂期邂逅安得

鴻都君爲釋相思疚臨風獨長吁頓覺吟

腰瘦

耽學憶冢兒頗體期望意頭角儼崕嶧塲
屋屢顛躡天復奪其年使我更顚額空餘
舊淚痕時起逃人思再來殊渺茫念輒心
如刺

烟霞成痼疾尤愛明聖湖無如爍金口住
久遭揶揄幾回慙遊賞終未暢清娛溪山

時在日霜雪俄染鬚回首六橋月蝶夢空
蘧蘧

漫興

愁糲酒困思爍爍坐任馳輶上畫簾架果
萍因誠可笑齋鐘粥鼓敢生嫌悔來王式
心多感善病休文筆嬾拈父手窗前閒肆
目團雲嬌綠滿雕簷

有乞書者戲占

硯池新浴墨生香有客求書寄麥光榮
蝴蝶非我好八分聊學篆申郎

晚坐

微雨簾櫳潤閒熏篤縛香興隨花漸減愁
與日俱長舊友多成土吟髭半染霜空餘
栖遯志役役暗心傷

題張萱號國夫人夜遊圖

槐街月印夜亭午號國歡遊逞恩詡如龍

駿馬驕欲嘶踏踏花陰趁腰鼓朱顏暉酒
生艷光風迴夾路飄奇香熏天燈燭絃管
闌不覺清露沾衣裳曼暎禮姿信無疋搖
鞭笑語情妖逸紫禁森沉人莫窺多情賴
有清河筆

卽事

坐看縈窗寶篆輕安榴如火透簾明閒來
弄筆陶幽興淡日輝輝弄詐晴

客次遣興

晏起晴蜂已報衙
陰陰新綠罩窗紗
愁心亂逐乘風絮
客思渾同著地花
半世辛勞慙鴈足
三生因果付牛車
白衣蒼狗年來悟
但得身安卽是家

蘆溝橋

時清敢抱請纓心客
鬢霜毛況見侵
料得知子惟曉月
不關名利也相尋

重經揚州

旁干炎風透練裳
郵程重指古維揚來時
興逐春光去歸路愁隨夏日長
螢苑烟荒猶腐草隋堤月皎只垂楊
明朝祭酒梅花嶺擬向忠魂奠一觴

次奔牛堰

曉過奔牛堰鳴蛙雜榜聲風涼蘿病骨家
近破愁城苦卉沾唇爽安榴刺眼明艤舟

亭上去好試葛衣輕

木瓜和友人韻

每恨龍涎炷易銷瓊琚爲報寄情遙供瓷
盤裏常經歲漬粉奩中最助嬌斗帳絡來
蘿脚氣砂瓶醞就養心苗麗姿婀娜真堪
賦袖獻無緣歎寂寥

平望

鶯脰湖邊泊野航荷風竹籟動微涼不妨

買醉行吟去一任遙林掛夕陽

客燕偶存終

客燕偶存

七

春光九十懷折柳於風
前江水三千指征帆於
日下文稱遜趙豪俊原
多路涉齊勝闕河幾歷
志京畿之眺覽酬縞紵之

往來無窮極古之清宜有
登高之作僕也東粵言於南

皮常聚歌聞茲市恍值

金臺在枝上旁謂留諭謳

慚吾白雪陽春之縱對梅

花而盟。讀生我紅羅。暎明
月以酣吟。醺人碧也。醉臘頰。
珊瑚於炎海。允谐韶濩。於
雪岑。捲向旗亭。銀拍重雙。
轂之僂。登諸樂府。端門傾。

六轡之才乾隆壬辰嘉平歲
後九日條山還弟玉鼎持書